

黃氏逸書考

海東先生集

漢學堂經解

逸書考

毛詩王基申鄭義

甘泉黃頤學

采采芣苢

周南

王肅引周書王會云芣苢如李出於西戎
王基駁云王會所記雜物奇獸皆四夷遠
國各貢土地異物以爲貢贄非周南婦人
所得采是芣苢爲馬舄之草非西戎之木
也

正義

魴魚頰尾王室如燬

汝墳之大夫久而不歸 正義

良馬五之鄴

王肅云夏后氏駕兩謂之麗殷益以一駢
謂之驂

王基云商頌曰約軹錯衡八鸞鏘鏘則
駕四不駕三也 正義

充耳以素乎而 齊

王肅云王后織玄紃天子之玄紃一玄而
已何云具五色乎

王基理之云統今之條豈有一色之條色
不雜不成爲條王后織玄統者舉夫色尊
者言之耳

正義

六月宣王北伐也

小雅

六月使吉甫采芑命方叔江漢命召公惟
常武宣王自行耳

正義

侵鎬及方

王肅以爲鎬京

王基駁曰據下章云來歸自鎬我行永久

言吉甫自鎬來歸猶春秋公至自晉公至
自楚亦從晉楚歸來也故知嚮日千里之
鎬猶以爲遠鎬去京師千里長安洛陽代
爲帝都而濟陰有長安鄉漢有洛陽縣此
皆與京師同名者也

正義

不自爲政卒勞百姓

鄭箋卒終也昊天不自出政教則終窮苦
百姓欲使昊天出圖書有所授命民乃得
安

王肅以爲禮人臣不顯諫諫猶不顯況欲
使天更授命詩皆獻之於君以爲箴規包
藏禍心臣子大罪況公言之乎

王基理之曰臣子不顯諫者謂君父失德
尙微先將順風喻若乃暴亂將至危殆當
披露下情伏死而諫焉待風議而已哉是
以西伯戡黎祖伊奔告於王曰天已訖我
殷命古之賢者切諫如此幽王無道將滅
京周百姓怨王欲天有授命此文陳下民

疾怨之言曲以感悟此正與祖伊諫皆同
忠臣殷勤之義何謂非人臣宜言哉肅不
譏尙書祖伊之言而怪家父邪

止義

十月之交朔日辛卯

以麻校之自共和以來當幽王世無周十
月夏八月辛卯交會

鼓鍾將將淮水湯湯憂心且傷

毛傳幽王用樂不與德比會諸侯于淮上
鼓其淫樂以示諸侯賢者爲之憂傷

王肅云凡作樂而非所則謂之淫淫過也
幽王旣用樂不與德比又鼓之於淮上所
謂過也桑間濮上亡國之音非徒過而已
王基曰所謂淫樂者謂鄭衛桑間濮上之
音師延所作新聲之屬

正義

曾孫來止以其婦子饁彼南畝田畯至喜攘
其左右嘗其旨否

王基以親蠶決之 王基因於不徧之言
而引周語以此爲籍田之事

正義

造舟爲梁不顯其光

大雅

自殷以前質略未有造維方特之差周公制禮因文王敬大姒重初昏行造舟遂卽制之以爲天子禮著尊卑之差記以爲後世法

正義

左右奉璋

鄭箋璋璋瓚也祭祀之禮王裸以圭瓚諸臣助之亞裸以璋瓚

王肅云一本有圭瓚者以圭爲柄謂之圭

瓚木有名璋瓚爲璋者

王基駁云郊特牲曰灌以圭璋與此云奉璋峩峩皆有明文故知璋爲璋瓚矣

正義

以赫厥靈上帝不寧不康禋祀居然生子

鄭箋姜嫄以赫然顯著之徵其有神靈審矣此乃天帝之氣也心猶不安之又安徒以禋祀而無人道居默然自生子懼時人不信也

王肅引馬融曰帝嚳有四妃上妃姜嫄生

后稷次妃簡狄生契次妃陳鋒生帝堯次
妃諏訾生帝摯摯最長次堯次契下妃三
人皆已生子上妃姜嫄未有子故禋祀求
子上帝大安其祭祀而與之子任身之月
帝嚳崩摯卽位而崩帝堯卽位帝嚳崩後
十月而后稷生蓋遺腹子也雖爲天所授
然寡居而生子爲衆所疑不可申說姜嫄
知后稷之神奇必不可害故欲棄之以著
其神因以自明堯亦知其然故聽姜嫄棄

之肅以融言爲然又其奏云稷契之興自
以積德累功於民事不以大迹與燕卵也
且不夫而育乃載籍之所以爲妖宗周之
所以喪滅其意不信履大迹之事而又不
能申棄之義故以爲遺腹子姜嫄避嫌而
棄之

王基駁云曰凡人有遺體猶不以爲嫌況
於帝嚳聖主姜嫄賢妃反當嫌於遭喪之
月便犯禮哉人情不然一也就如融言審

是帝嚳之子凡聖主賢妃生子未必皆賢
聖能爲神明所祐堯有丹朱舜有商均文
王有管蔡姜嫄御於帝嚳而有身何以知
其特有神奇而置之於寒冰乎假令鳥不
覆翼終疑逾甚則后稷爲無父之子嚳有
淫昏之妃姜嫄有汚辱之毀當何以自明
哉本欲避嫌嫌又甚焉不然二也又世本
云帝嚳卜其四妃之子皆有天下若如融
言任身之月而帝嚳崩姜嫄尙未知有身

帝嚳焉得知而卜之苟非其理前卻紮礙
義不得通不然三也不夫而育載籍之所
以爲妖宗周之所以喪滅誠如肅言神靈
尙能令二龍生妖女以滅幽王天帝反當
不能以精氣育聖子以興帝王也此適所
以明有感生之事非所以爲難肅信二龍
實生裴似不信天帝能生后稷是謂上帝
但能作妖不能爲嘉祥長於爲惡短於爲
善肅之乖戾此尤甚焉

正義

公劉召康公戒成王也

王肅云公號也劉名也

王基云公劉字也

釋文

周人以諱事神王

者祫百世召公大賢出自姬姓稱揚先祖
盛德之君而舉其名不亦遠於禮乎

正義

武召穆公美宣王

王肅述毛以爲王不親行

王基述鄭爲此章王自親行王旣親行仍
須命元帥以統領六軍故左傳鄢陵之戰

楚王雅自親
仍自子反將中軍
正義